



---

## PEKELILING TIMBALAN NAIB CANSOLOR (PEMBANGUNAN)

---

Bilangan 5 Tahun 2020

### PELAKSANAAN GARIS PANDUAN PENGURUSAN ICT

#### TUJUAN

1. Pekeliling ini bertujuan untuk memaklumkan pelaksanaan tiga (3) Garis Panduan baharu Pengurusan ICT. Garis panduan ialah pernyataan umum mengenai apa yang harus dilakukan untuk mencapai objektif dasar. Ia merupakan dokumen sokongan yang merupakan peincian kepada Dasar ICT UiTM.

#### LATAR BELAKANG

2. Dasar ICT dan Garis Panduan Pengurusan ICT digubal bagi menyatakan peranan dan tanggungjawab pihak yang bertanggungjawab dalam mengurus, mentadbir dan melaksanakan pembangunan perkhidmatan ICT.
3. Dokumen Dasar ICT UiTM merupakan sebuah dokumen yang menggariskan peraturan penggunaan aset dan kemudahan ICT UiTM dengan cara yang betul. Dasar ini menjadi asas tadbir urus ICT UiTM bagi memastikan penggunaan ICT yang cekap dan berkesan dengan pelaburan yang optimum.
4. Garis Panduan Pengurusan ICT memperjelaskan dengan terperinci mengenai apa yang harus dilakukan dalam menjalankan sesuatu aktiviti/ tugas/kerja untuk mencapai objektif dasar dengan menyediakan rangka kerja bagi pelaksanaan prosedur. Garis panduan merupakan suatu cadangan pelaksanaan yang harus difahami dan dipatuhi oleh setiap pengguna kemudahan ICT universiti.

5. Pengguna ICT bertanggungjawab mematuhi akta, dasar dan peraturan yang ditetapkan bagi menjamin kerahsiaan, integriti dan kebolehsediaan urusan maklumat melalui penggunaan teknologi digital.

## PELAKSANAAN

6. Tiga (3) pelaksanaan Garis Panduan Pengurusan ICT yang baharu adalah seperti berikut:

**1) Bil.1/2020 - Garis Panduan Pembangunan Sistem dan Aplikasi**

Garis Panduan ini bertujuan memberi panduan kepada semua pihak yang terlibat dalam penyediaan sesuatu sistem/aplikasi yang dibangunkan oleh pembangun sistem/aplikasi yang boleh terdiri daripada staf skim F (Teknologi Maklumat), penyelidik ataupun pembekal. Objektif Garis Panduan ini adalah:

- a. Memperkenalkan metodologi standard yang praktikal sebagai panduan PTJ dalam proses pembangunan sistem/aplikasi.
- b. Menjamin kualiti sistem/aplikasi yang dibangunkan dan kesinambungan kerja dalam proses pembangunan, penyelenggaraan dan naik taraf sistem/aplikasi.

**2) Bil.2/2020 – Garis Panduan Pengurusan Projek ICT UiTM**

Garis panduan ini diwujudkan bertujuan untuk memberi panduan yang lebih jelas terhadap pengurusan projek ICT di UiTM mengikut tadbir urus yang ditetapkan agar projek ICT dapat dilaksanakan dengan lebih lancar dan konsisten. Garis panduan ini juga mengambil kira Panduan Pengurusan Projek ICT Sektor Awam (PPrISA), MAMPU dan tatacara perolehan Kementerian Kewangan sebagai rujukan untuk disesuaikan dengan pekeliling/ garis panduan/ prosidur dalaman UiTM.

**3) Bil.3/2020 – Garis Panduan Pengagihan Perkakasan ICT**

Garis panduan ini menyatakan panduan berkaitan pengagihan perkakasan ICT seluruh Universiti dengan objektif bagi memastikan warga universiti mematuhi kriteria pengagihan perkakasan ICT yang ditetapkan.

## CAPAIAN DOKUMEN

7. Dokumen Garis Panduan Pengurusan ICT boleh dimuat turun melalui capaian <https://ppii.uitm.edu.my/>.

## PEMBATALAN

8. Garis Panduan Pembangunan Sistem dan Aplikasi Bil.1/2020 akan membatalkan Garis Panduan Pembangunan Sistem Aplikasi Bil.06/2018.

## PEMAKAIAN

9. Pekeliling ini adalah terpakai kepada semua staf Universiti Teknologi MARA.

## TARIKH DIKELUARKAN

10. Pekeliling ini dikeluarkan pada **30 Jun 2020**.

## TARIKH KUAT KUASA

11. Pekeliling ini berkuat kuasa mulai **1 Julai 2020**.



**PROF. Ts Dr MOHD FOZI BIN ALI**  
Timbalan Naib Canselor (Pembangunan)  
Merangkap Ketua Pegawai Maklumat (*Chief Information Officer- CIO*)

*Dikelilingkan kepada:*

*Semua Timbalan Naib Canselor  
Semua Rektor UiTM Cawangan  
Semua Dekan Fakulti  
Semua Ketua Jabatan/Bahagian/Pusat/Unit  
Semua Warga UiTM*

*Bil. Fail : 100-PPII (PTA 6/7/3)  
No. Siri : Pekeliling TNC (Pembangunan)*